

泰雲堂集

泰雲堂詩集卷二

金鎖 孫爾準 平叔

摩燕集

入都錄別

此生合應力田科
悔學桑生鐵研磨
弧矢漫言行役始
庭闈其奈別離何
湘江春色舟中盡
燕地浮雲馬上多
人意欲遲舟更疾
春來幾日水增波

永州

指點零陵郡言尋
鉛鋁潭古愁飛玉
瑄曉市破晴嵐水
淪新茶潔羹挑早
笋甘沿流幽絕處
便合結茆庵

過長沙弔賈太傅

賈傅遺居蔓草荒
憐君何事謫茲鄉
秀材本是傾朝右
年少爭

傳自雒陽太息武夫逢絳灌不令文帝比成康臨流照影慚青鬢未敢投書弔碧湘

潭州道中口占

圍牀八幅小屏風指點瀟湘畫意工誰信平沙殘照外扁舟櫂入舊圖中

浮湘

湘浦柳絲短衡陽歸鴈初一爲波上客不見雲間書虹外人沽酒月中船賣魚相逢叩巖父何處酌三闌

衡州

客路逢春霽風光望欲迷江流迎艣勁山翠壓篷低出沒舒鳬戲釣輶謝豹啼繫舟村落遠遙隔夕陽西

渡洞庭湖

稍覺孤雲動不知帆自馳氣吞三楚隘浪蹴九疑卑鶴認回仙
島龍朝柳毅祠岳陽三百里繫纜下春時

岳陽樓

沽酒夕陽邊明霞漲遠天紅浮洞庭水青劃荆門煙詩句馮誰
續樓名自昔傳還思醉吹笛橫度挾飛仙

南陽道中

一鞭曉色走微茫衣上纖纖作嫩涼細雨澹雲南宛路濃陰十
里棗花香

過廬生祠

像設荒祠枕道傍行人指點說黃梁紅塵富貴原泡幻碧海神
仙更渺茫繡轂雕鞍移日晚玉簫錦瑟樂年芳至今爭說繁華
地終古邯鄲是夢鄉

贈黃炳奎

黃郎人誇後來秀姿儀濯濯春月柳讀書已識一過目作賦還
驚八叉手相逢自結雲霞交倒意傾情復何有玉缸香撲青旗
高邀我市樓狂縱酒景文鋪醖亦可觀管輅清談不離口他年
蟬冕映更華此日羊車看來久玉山頽倒相扶歸疎鐘已動黃
昏後別去不知秋色深紅香落盡金塘藕昨朝銀榜天門開姓
名瑣瑣知誰某男兒立身有本末何物功名堪不朽登高正值
鴻雁來決背萬里浮雲厚黃金花開何處游黑窰廠上過重九
攜來一斛蒲桃春肯教輕換涼州守

行藥

沙際落日低人影在高樹安知市闌背廣場削千步旅居苦沈
冥欣逢豁幽趣暝烟催客歸欲去仍回顧尙愛餘霞明遙天下

飛鷺

茶仙外舅監河時開渠得三陶盃一爲役夫所執一完好者歸河督李公

奉翰

一口微損爲外舅所藏底篆蔡邕字

形質古樸開燕出以酌客因賦

永濟河畔檣如麻催提過牘傳金戟軍艘如山兀不動深處劣
可通舳艫河隄謁者出行水役夫百萬紛鋤鑿醴渠引水不得
達鐵龍沈爪開渠窻忽驚寶氣不可掩明月出地生光華執者
棄擲若破甑其一完好無纖瑕中郎名字銘厥腹什襲已入高
明家此盃脣邊有微損蟾魄偶被浮雲遮繇來人棄我獨取貴
比龍勺雞彝奢綠野開堂出侑客引滿傳玩生咨嗟卵色天青
初過雨麴塵水淥微涵霞孚尹玉質火氣脫胎斑蘚蝕水紋斜
柴哥官汝未足擬波斯大食奚能加潁陽餞別兩兜爵碧山稱

壽雙銀槎近代流傳入吟詠國初諸老揚詩葩豈如此盤製作
古閱世有似恆河沙想當石經始鐫刻鴻都摹寫馳風車門前
定有問奇客從遊載酒如侯芭祇憐柯笛與焦尾千載不復逢
夔牙物生顯晦信有數賀汝遭際言非誇今晨王賓盡豪雋況
復風日當清嘉慶豐牖外酒船到百壺傳送何煩賒清商小部
試娛客舞態颺落山香花汝若有知定棖觸當筵按拍歌胡笳
是日演文姬歸漢故事悲來酌汝合酩酊詩成作字如栖雅

元夕燕介祉堂

傳柑撒荔敞華筵積雪初消月正圓翠舂浮波消夜永金鐙抽
蕊逗春先轉喉乍按吳趨曲垂手還依蜀國絃不惜香泥汗錦
障醉來欲趁鬧蛾顛

古琴引贈朱瑄生

煌

華陽之梓何泂泂緯以會絲盛以囊輕鬆脆滑調清商龍鰓鳧
掌制作巧名曰綠綺傳中郎嗚呼中郎已死誰復問多少枯桐
作香燼

良材入爨聲爆地箏笛琵琶日騰沸君不見廣陵散絕袁孝尼
世隆垂簾抱古意嗚呼柳公雙鐮何足多會當司樂鏗雲和天
風環珮奏大羅

送金青儕

學蓮

還吳

百里蓉湖水君家郭外流昔年吟璧月獨問錦帆秋愧乏知雄
識曾無訪戴舟飄萍忽相值冠蓋是皇州

雪霽沙堤淨門開古寺春他鄉驚語熟相見卽情親臭味芝蘭
契詩篇日月新慙余久京國衣素染緇塵

幾夜東風大離愁暗柳條兼旬欣結攬千里復迢遙驛路飛車

蓋文星仰斗杓

時偕蘭泉司寇

秋深尋五瀉同趁澱湖潮

被放南還別陳虹江

啓文

周介夫

鳴鸞

兩同年兼示顧晴

芬許周生蔡梅澗

芳

得歸仍復動離情愁擁驪歌出鳳城贈策偏多同澤友傳車終
愧棄繻生鷺湖白水三年約馬首青山一笑橫知爾索居翻羨
我夜闌難燭話郵程

偕耕瑤兄曲江弟踢月散暑遂至東林禪院

夜暑不能寐呼僮攬裳帔開門月當空幽尋託高寄習僻厭平
阡繭足入沮洳蒙叢迷出路喜有流螢至町疃削平場圃畦互
鱗比疏籬引新蔓涼意落深翠沙肥菜甲長露華湛如漬澹香
不可挹濛濛濕芒屨低徊惜清景幽賞成延佇疎磬時一聲不
見烟中寺

相隨磬聲去忽出招提背到門不一叩寄興別有在長溪盪明月
簸弄紛光采溪流月不流內景湛相對解衣卧磐臨清涼洗
肝肺行露忽已深羅袂滋沆瀣波聲識南祠基址遺勝概往事
不可論相與發深慨

喜鄭雨香

緒鴻

至

乾星照夜明高齋桃笙角枕無好懷曉起西池愛秋爽故人忽
與清風偕故人相逢在春早別我明年秋色老萼香菱紫又今
年驚看面目攄懷抱聞君林屋尋舊廬銀房石室仙所都手把
鋤犁亦不惡自種橘柚輸官租何意扁舟載行李新從積著參
精理拊手真憐劉伯龍心算終輸計研子留君茗粥接深談一
甌縱論相驂驪已爲新涼開牖北更招舊雨謂菊才晴尋花南舊
雨欣同秋雨至便擬留君十日住空煩檐溜洗緇塵却趁樵風

呼客渡送君絮語更踦閭咸陽孔僅非今須天上玉堂待著作
此行且探龍威書

出郭

高城飛鳥下孤亭落照波深沸晚汀水濶蟾邊瀉虛白秋高鶴
背露空青鳴榔三尾紅油舫櫓酒偏提碧玉瓶欲詠滄浪誰屬
和龍峯九疊展圖屏

題王蓬心

宸太守畫

麓臺司農今已仙蓬心太守稱後賢零陵大好山水窟燕寢高
卧羅雲烟晚愛枯毫寫生紙却是江南舊村路九疑雲黑洞庭
深何不歸來畫中住

夜坐寄周生

疎星澹明河露下幽庭空故人在江浦嫋嫋生秋風清商變素

節綠葉疏故叢迴塘耿晚涼山石嵌玲瓏坐久自歎息新月窺
簾櫳翹首念所思共此清光中相思不相見登樓望飛鴻飛鴻
夫何極積氣彌空濛太虛本無闕耿耿精誠通明明沉如月宵
不鑒此衷屋梁落孤照恍然接音容徘徊欲歸臥良宵惜匆匆
寒夢不可續數杵高城鐘

病目

閉關兀兀坐繩牀如此晴秋學面牆阿堵羞明花滿室鮫人掩
泣淚霑裳頻煎魚眼薰新水愁向蠅頭檢古方自是清游招物
忌等閑孤負桂華忙

漫說金匱刮膜消間關難得麥芒挑紀昌不耐三年卧范甯徒
貽六物嘲勅斷觥船浮翹葉生憎藥鼎沸烟燭晚涼最喜生新
雨卧聽秋聲滿敗蕉

奇方損讀掩燈檠紬史休將國語評差喜逢人忘青白久知處
世忌分明冥冥莫送南鴻去耿耿長懷北渚情可有沙隨飛將
在洞庭千里正連營時有楚營
裴几明牕厭日烘蒲團學佛習觀空輕雲蔽月留飛白隔霧看
花散亂紅空有和詩煩魯直誰能書記倩韓公別來三日煩相
待吳下憑誰問阿蒙

題錢舜舉食餘圖

緯蕭搖霜谿水清玉沙郭索來琴聲一燈紅滴走相集幾輩白
沫旋遭烹妙手流傳玉潭子不獨寫生能寫死數簞知是老饕
餘一背難逃朱勔紫翰墨曾是鷗波師當時八俊皆橫馳歸來
雪水卧秋晚菊天新酒惟其時興到腥風生十指寓意知君有
深旨長安爭重五侯鯖膾殘膏都視此

秉燭

碧嶂青溪秉燭游空林猿鶴闕清愁草埋珠履三千客月冷金
釵十二樓酒冽泉香齊迸夜荻花楓葉各爭秋祇餘梵放無今
古巖壑聲聲答響幽

高臺

高天流片月秋色落江潯獨上高臺立蕭然見此心碧雲輕可
卷白露近來深遠渚遺鴻響因之寫玉琴

陰雨積日小霽蠟梅已作花矣招客小飲有賦

東風吹幡歲已蘇陰陽迴互訌彫枯稽雲釀寒不成雪蓑笠十
日愁沾濡玉繭牕光漾晴色凍雀暍墮簷前株羅浮夢醒落塵
土新妝綳袂明清臚馨口微含似索笑檀心一點將誰輸智瓊
妝額本絕世一抹更愛斜陽塗鳳釵雪縷合小綴蟬鬢翠帶宜

勺鋪金屋深藏未可得銅瓶小插安能摹開尊對客花下酌花
得我飲我不孤品題知爾是寒客千載知己誰堪呼涪翁愛惜
金蓓蕾好句自昔傳京都石湖仙人譜標格芳根移接憐花疎
一品九命亦浪語愛爾清絕寒不癯繁香撲帽惱禪定藥影亂
落明駝酥安排紙帳參橫後醉倒便倩花枝扶

飲秦園送雪帆晴芬之吳門

流泉出峽花辭樹一別相思不相顧與君出處同故鄉鄉山合
并不可常白雲冷落山空久忽喜人歸飛鴈後草堂正對龍峯
開高卷珠簾臨北斗北斗柄幹青春迴新正已破花未開花根
雪消千澗響願作春釀添金罍酒酣大笑冠幘墮小住爲佳大
都司千秋亭上謝公呼戲馬臺前疊首坐回頭陳跡安可追人
生哀樂中年催嚴城鐙火啓魚鑰清夜放月須重來月明更展

林間步迢迢目斷金閨路幾日潮生射貫湖梅花香裏扁舟去
慧麓看梅寄雪帆晴芬

幾日花前倒玉盃扁舟暮角黯相催空山翠羽春無主細雨黃
昏我獨來鶴唳飛還尋萬嶺笛聲吹徹落蘇臺定知官閣詩成
久悵望江頭驛使迴

社日

潑曉疎疎雨吹寒漠漠花釀錢遺祭肉賽鼓集神雅桑柘分行
蔭粉榆自古誇昇平泥游飲野老任權譁

上戊中旬過今年春較遲日長人散後花動燕來時罷繡簾齊
卷尋芳棹更移似聞蠶事好難約賜青期

臥疾不同慧麓之游賦簡諸昆

拾翠誰尋磴路長掩關獨卧靜年芳有時花片敲殘夢盡日春

陰壓女牆鬢，輕烟閑院落。燈飄暮雨，颯迴塘，調符正及。文園渴一斛，新分潑乳香。

雙河

橈轉雙流，劃一溪孤村。烟景畫中迷。桃花野店，清明近，細雨平蕪。燕子低，薺麥翻風寒，尙帶紫魚吹雪。浪初齊，登堂鷄黍，尋前約共說。龐公去杖藜。

海棠絕句

羅幙重重百寶闌，傾城容易過春寒。曉妝試手矜初見，爲卷湘簾特地看。

綠章誰與借輕陰，寒暖勻攏二月深。絕豔人偏甘寂寞，草堂一樹伴清吟。

此中安穩著書巢，莫使蜂銜并蝶捎。絕勝王家絲步鄣，紅雲十

里護春郊

只論容華已絕塵惟應荀令解憐春枉將金屋藏香氣笑殺癡
兒石季倫

遊胥母山放歌示鄭雨香席少白

昔者神禹定九域以水爲脈相貫通具區三萬六千頃東南萬
派咸朝宗拍天洪流一朝落洗出七十二朵青夫容其中莫釐
縹緲最特出東西對峙長爭雄我生夙有出世想三千弱海愁
罡風豈知蓬島在目睫片帆百里開鴻濛靈龜不受老龍制昂
首徑思凌翠峯翠峯絕頂見萬古情思遠與天無窮羲輪西奔
月東駕萬景盡入渟涵中金庭玉柱仙所憩采藥正值商山翁
拍肩挹袂有佳傭共躡倒景驂羣龍飲我青田核酌我金鈿鍾
進以黃麟脯食以蒲紫茸五岳真圖佩左右尺綃翠蜃浮晴空

丹梯石棧互盤曲金銀臺闕開重重便疑併得治水訣夜半偷
入靈威宮靈威宮在何處下深無底旁無終羅浮峩眉達天岳
別宮地肺交相衝裹糧便欲從此去旁觀大笑嗟何蒙九疑雲
氣接巫峽荆棘滿地成沙蟲巴陵波浪撼坤軸今縱有路將焉
從何似誅茆紫泉側蛇虎絕跡無時逢重來早辦卜鄰約霜林
萬顆秋雲紅

同雨香葑山觀荷

弄翠空濛裏誰能破曉來房深隨日斂莖弱倚風開雪瀉長如
腕圓簫折作盃醉看花四壁盡日未教迴

一自鴟鴞去蕭然洲渚空香魂終不化幻作此花紅客思憐餘
豔芳情泣故宮水禽如解意飛過太湖東

湖夜

璧月生滄海清輝萬古同還疑美人化夜夜入吳宮麋鹿叢臺
地莓苔響屨空興亡漁唱裏忽斷荻花風
單舸尋西子蒼茫八百秋惟餘一片水終古照閑愁雨過寒綃
幔雲歸結綵樓夢魂知舊事長繞百花洲

明石砭宣撫使秦夫人錦袍歌

玉壘山邊陣雲黑蠶叢化作青蕪國片土天西帶礪存花落猶
流錦江色錦江花落錦袍中連理勾文製絕工中有當年杜鵑
血至今淚印斑斑紅想見英風繡袴褶卷蓬上馬誇輕捷一騎
紅妝閃電過千枝白桿追風急青袍識就值頽陽黃巾掃罷同
秋葉羅施烽火徹宵紅平播誰人第一功開謙正逢燒鵲酒揮
戈怡及試鐙風竹王祠外驚傳箭桑木關前早挂弓轉戰奇勛
有誰紀夫壻同歸亦堪喜幕府應同渭北兵軍聲從此呼娘子

誰道勾奴思郤都雲陽獄舍悲風起可憐夜夜泣孤鸞羅帶有
淚如鉛水戎裝初卷白綈衣巾幘英雄古所稀軍令分明傳擁
雪敵人遙望識雕旗連營鳬藻如衣續專闡蛾眉早賜緋喪亂
年來事堪歎渾河血戰遭家難翟第長叨聖主恩摺疊空箱幾
曾換賸有兒家舊戰袍淚絲短與殘絲斷可惜鉞鉞企喻歌不
入當時廟堂算廟堂誰督六州兵銅馬全驅入棧行慷慨羞同
邵公死衰衷肯作褚淵生陣迴已敝牙門鑿天盡終憐竹箇坪
坐惜圖成十三隘一時天險付長鯨中原此際多軍壘虎符鵠
印專千里寶劍千金內府裝青泥十郡良家子論功爭上刺閨
書燈聚蠹屯竟如此若輩須眉六尺身棘門兒戲慙應死自嗟
土舍木西州天子恩深寵錫優一疏功邀溫詔答全家祭許太
烝酬前年尙策勤王略馮僕髫齡已拜侯誰道中朝泣銅狄獨

留一柱固金甌肯憑玉節扶南杖莫洗高涼洗氏羞籌邊驛外
浮雲改滄海塵生經幾載青塚埋香戰骨銷白楊呼雨愁心碎
惟有傳家一襲衣裹得山河至今在玉匣珠璣好護持愁雲一
片繡迷離祇應喚取鍼神薛刻上平臺舊賜詩

落日

落日空江上雲霞千萬重光開金舍利氣涌玉夫容遠勢趨孤
塢餘霞挂斷松忽驚前路暝谷口殷疎鐘

聽泉

夜達風泉清冥坐聽逾好出竇初涓涓落峽旋浩浩嗚咽沿迴
磯琮琤入停潌高下想所歷曲折赴昔討頗聞觴濫初漢涌子
夜早晷刻媾地脈呼吸孕大造元精海藏輪仙瀝雲漿擣勿謂
一勺源盜洩萬靈寶欲洒塵海濁不惜恣傾倒至清欲無水況

乃蘋與藻我生託靈壤神液資飲澡何時一蒲團亭脚澄宿抱
金膏蘊明光石室閉翠葆稽生乏仙姿青泥餉還燥

寄暢園夜坐

天風浩浩不可名一著草木成秋聲手攜綠綺寫不得葉葉中
有萬古情我欲高歌答清籟翹首仰看晴宇大翠濤一笠壓諸
峯不使秋星落牆外平生見山凡幾春白雲落落不可親薛荔
縫衣采芝餌此回真作山中人山深不用世人識自有青猿相
主客鐵杖橫拖撞石門明朝徑跨蒼龍脊

山中雜咏

栖幽尋夙約放棹溯靈源鐘磬諸天暝人烟一水昏杖藜沿曲
逕指樹得祇園世外忘酬答新蟾恰到門
絡角銀河轉淒淒夜色闌正宜何允服初試杜欽冠鶴影翻涼

露經聲冒曉寒不知當世意何似戀清歡

前山巾古寺高影落牕涼怖鴿盤空外疎鐘出上方曉雲摹畫
法晴翠潑秋光欲問三茅殿教春一宿糧
行藥有佳侶孤亭坐夜涼石多秋得氣桂老月分香淨域欣同
住名言到已忘平生向禽願何日得全償

夜雨

客夢乍驚回撼撼梧桐樹孤館曉寒多前山夜來雨
流泉何處來漈漈鳴幽壑庭院清無人開門桂花落

送章丈嬾芋還武昌

江南草長君東來瀟湘木落君西迴君行來往六千里浮生役
役胡爲哉渺渺芳洲漢陽渡洲邊嬰母西飛去志士何堪挂網
羅才人未許矜遭遇興來換酒鷓鴣裘去尋李白題詩處詩成

自惜醉中身却憶落魄燕山春相逢意氣各傾倒一醉過却罵
花辰明年詔獄生愁雲青天鬱鬱嗟覆盆屈軼誰傳耿育疏風
霜莫雪鄒陽冤傷心蟄龍入地府叩額虎豹屯天門玉門關外
荷戈去白頭人老猶從軍謂尊甫書迴腸斷盡二升血巫咸何
處招驚魂我時重走長安道太息園扉生草草一面空愁獄吏
尊畢生擬向南冠老我

皇仁聖恩如天詔書赦過獨前愆楚囚意外得重晤秦謀甦後
真餘年料是心情已磨滅誰知意氣猶騰鷲與君酌酒入燕市
酒酣話舊翻淒然全家蕩盡一身在殘生宵復關悲歡燈青語
歇對鳴咽鴈聲正墮高樓前無端見面卽離別如此相逢寧易
得陳琳入楚乍傳書王粲依劉重作客卽今去住不自由千里
秋風一蒲席憐君不得苦死留離心先上滄江舟相期莫跨樓

頭鶴好向江鄉領一州

時將謁選

嬾芋畫握蘭圖留別卽題其後

章子胸中幾雲夢一夜歸心墮青鳳
弄刀翦落三尺波其間乃有瀟湘種
清風肅肅斑竹林猿聲落日空山陰
墨花慘澹只數筆髣髴已得湘纍心
湘纍一去成千古空有精靈托遺譜幽香
只合贈離憂芳根那肯移風雨眼前祖帳已迢迢
暮雲叢裏孤帆高
大江秋老魚龍冷酒酣慎勿歌離騷

陶石簣印章爲汪秀峯水部作

飈輪持大地如桴鼓不息斯文有樞機
秉軸資巨擘前明論風會制科立標格
死骨買千金謂是金馬式醯雞舞潛舞求劍舟
屢刻所貴豪儒士斬新見開闢祭酒神宗初
春卿被排斥識之衆人中惟我先宗伯

祭酒爲先宗伯乙酉所得士決其必冠南宮

奎璧懸中天不眩

日五色已丑魁南宮斯言洵不食至今述流派姓字重方冊榮
名自千古浪語托金石卻令螭扁書翻得謝磨泐郎官米顛流
拜石抱奇癖十志過草堂元脚精搜剔愛此一寸玉珍抵徑尺
璧斑斑土花暈豔豔蓉粉赤感物念前微摩挲不忍釋淵源倘
可歸一鐙應未熄

同明叔畊瑤寄暢園看雪

西溪一夜流淅咽溪頭老樹枯枝折晚來兩槩打水行九龍蛻
盡蒼瑤骨名園忽涌金銀臺彈指凌空叫奇絕無邊元氣入淋
漓不盡光明接寥泬天公豈是好事人巧翦銀花豔寒節要令
人世洗汗濁肯爲龍宮吝瓊屑定喜遺蝗入已深獨憐玉馬知
誰掘回飈一卷爭欲舞暮色卽來宵許奪牆陰綠竹一逕低寒
玉珊珊冷相戛歎息中有詩思清烟火腸肥那能說

正月十有二日瞿花農留宿就懦居賦贈

已過挑菜峭寒增一棹胥江試打冰人憶梅花思蠟屐天教片
雪阻燒燈盞戢乍喜開醞讌懸榻重煩下絙繩不待招邀新雨
集謂陸甫元同年百壺那厭酒如澠

題花農漢皋贈別圖

我攜玉笛晴川泊浪花吹作梅花落一別金仙十九年白雲何

處尋黃鶴眼明波浪生高堂髣髴樊口排烟檣零陵太守王蓮心

作此畫漢陽別駕騰歸裝別駕風流具高識迴帆畫鼓三搥急

可惜當時未識君不作圖中送行客歸來僦屋吳趨坊綺羅山

水供吟觴卻放孤颿麴塵水要及三月煙花香揚州赴邀余聽雨

蕭齋住頻年踪跡從頭數挂杖曾無鹽筴錢題襟牋有河梁句

酒闌展卷試重尋岸芷汀蘭寄醉吟知君薄宦緣何事竟取干

秋屈宋心

答贈花農

休官須及少年時
羨爾青青兩鬢絲
三楚早辭騎鶴侶
五湖閑趁釣魚師
汝南鹽鐵留新論
茂苑鶯花乞豔詩
聞道漫郎歸去日
權歌都唱使君詞

贈別周生

縞紵江湖十幾春
相逢誰似爾情親
孔融交誼論先世
韓子文章是古人
東觀時方需此客
西湖天許著閑身
著書息壤盟言在
攀桂誅茆好結鄰

何鄴甫自黔入都枉道過訪社日邀秋南韶甫同爲惠麓之游秋南有作依韻賦贈

潞河放溜十年思
南國欣逢潑火時
花爲春寒猶負約
人隨燕

子似相期彥先名士臨江扇安石蒼生別墅棋高卧已爲桑梓

計奇功莫使限羅施

逆苗擾黔中鄭甫佐當事戡定其功爲多

爲陸謹庭

恭

丈題松下清齋圖

松下清齋謹庭所居戶冊也謹庭屬黃小松繪圖久不成後小松得明胡潤甫畫景物逼似以寄謹庭借償前諾爲題其尾

阿誰畫此一尺絹五鬣千釵翠凌亂到眼驚有絕世無誰知只在蘇臺畔臺畔築堂今幾年此畫與堂孰後先人言寫照須對面豈意畫在堂成前堂中主人我舊識興到登堂容躡屐蒼煙靜鑠聽事閑窗戶玲瓏照秋碧主人握麈如張譏坐上詩成苦邀客齊州司馬黃小松以松爲字抱奇癖尋常筆底湧波濤氣壓蛟龍收不入解衣磅礴徒眼青巧借前人爲塞白神物自爾

能通靈百年絹素精神存豈借煙煤成縮本疑有風雨爲移根
石牀落子敲瑤席對畫看松兩奇絕脂流肪澤湛金罍寄取花
香味全別酒酣何物助醉吟一片蒼濤卷秋雪

尋靈隱寺遂至韜光菴

筇輿度市睨入門眼初放一逕過略約千步削平曠何來青瑤
峯忽落眉睫上傳聞自靈鷲尙挾飛騰狀世外久寂莫偶遊憩
塵埃自恃清淨身不受物網障安知一墮足欲歸不能廷多生
嘉樹叢葛藤日滋長級高古苔滑欲拾少筇杖磨厓識真容歷
歷莊嚴相後啼聞無聞石竇呀相響亭午鏗華鯨梵放發清唱
旃檀散馥靄香積敷供養路轉不二門地仄境彌暢魚勞不見
天森夾如立仗日光忽穿漏翠色更浮漾頗疑巾幅閒濃綠已
流浪山僧惜泉脈竹筧引層嶂細漉方琤琮旁潛愈清壯愛此

涓涓流不可瓶量調符儘輸瀉始信無盡藏足疲念休息招
提卷金帳出世略酬答逕坐無禮讓憑闌遠目濶俛覽一神旺
林端海色來蒸雲氣悽愴指點濤頭高尙有沙痕漲宋家鳳皇
山宮闕何閒闐綺羅盛巖游燈火見湖舫繁華不可恃轉眴增
愴恨何如坐圓蒲靜裏閱得喪白業志未脩夙願愧禽向夕磬
忽催歸約期待重訪

平原

蕭條逆旅孰相親驅馬平原獨問津黃土依然澆酒地朱門無
復繡絲人缺從彈後知何益錐向囊中處已頻日莫壚頭聊貰
酒醉來肝膽益輪囷

東昌道中寄憲韓先生

倦飛林鳥亦知還憔悴荒途鬢欲斑胡叟祇宜牛背上石生何

事馬蹄閒家餘參佐東西癖人似淮南大小山準擬秋風牽手
語桑陰十畝自閑閑

羊留店謁羊叔子祠

典午基初啓江東鼎未遷元戎誰制閫名德重籌邊儒雅綸巾
並風流緩帶便卧戈秋帳靜開閣曉鈴懸在昔鴻溝劃於今鄂
渚前素書開策略赤壁積風烟列陣儲胥接橫江步艦連攻心
先不戰折臂且高眠決勝知千里奇謀出萬全壺尊通饋贈藥
裹佐飛牋輸絹償溫麥從禽習魯政誓無煩折箭信早罷鸞弦
暇日賓僚集清游峴首巔江山悲代謝嘯咏儼神仙墮淚猶今
日沈碑自往年成功黃石在遺德翠厓鏘此地留芳躅鍾靈說
大賢隆中尋舊宅渭水問遺筌玉帳懷神檢金環記夙緣承塵
蛛網胷斗拱鼠牙穿報賽憑巫覡春秋闕豆籩停車初晉謁抬

級肅精虔青史銘勛在丹誠讓表傳沂流近堪溯當世仰顏淵

白溝河

割棄燕雲十六州白溝當日是鴻溝盟書一報盧龍塞戰壘誰
增拒馬流但倚金縢成廟略不知花石接邊愁空煩萬里和戎
使攬轡題詩滿驛樓

琉璃河

犖确長橋趁夕暉黃塵十丈撲征衣琉璃鏡匣何時掩不見鴛
鴦作對飛范石湖過琉璃河詩自注云在涿州北三十里極清洌茂林環之多鴛鴦千百爲羣

平山堂

小東門外晚晴多新漲虹橋鏡仁磨樓閣百重浮蜃氣楯闌各
自占鷗波花開金帶紅雲市笛轉燈船碧玉歌問訊冶春詩社
在平磯一片長青莎

顧耘畧畫羅漢出山圖爲吳半舫題

靈山億千仞翠水三萬重華嚴樓閣一彈指和訶條國禪瀛中
琉璃雲覆金色地白牛聖出天王宮交光相羅寶絲網五千關
楮浮璇空世尊偏袒敷足坐解說諸品經圓通迦陵仙音轉空
際滿被飄落天花穠珠眉妙相三十二光澈十界蓮花紅一蓮
花一長者子墮地獅吼鏗華鐘應真五百盛侍衛二十八禪顛
毛童下眎塵世種苦惱得食卽鬬紛螭螭云何忽有入世想肯
學窻紙鑽黃蜂鬬堂打包作行腳結束餅鉢馳筠籠圖中所畫如此大
光明放掌中塔法輪轉鐵金銀銅竹根如意本無意降伏啞虎
馴猛龍水田衣帔忍辱鎧猛鷲中有慈悲容得無冷坐少人識
一花五葉傳南宗廣開甘露濟羣品火宅化作清涼峯我生夙
慕大勝果楞嚴堆案嗟塵封周妻何肉未解脫十六開士安可

蓬豈知至人憫諸苦三車大乘來從東顧生何人寫此像規圓
一筆神光融毋乃精誠夢飛越色相曾示西方雄我瞻滿月喜
頂禮祇慙作贊輸坡公東坡有題王霸如來出山圖贊

還家

我歸指仲夏我行紀春首別家日月長半載已云久到縣聽鄉
語近郭識岡阜薄莫及入門一室曠僮婦喧雜問訊應答不
容口傳聞上都水高隴浸星留十千米一鐘療饑齧桑柳壯夫
轉溝壑填籍況稚耆殘黎更無賴攘敎到鮭韭
皇仁溥沾資編戶貸升斗可憐遭疫癘十室不存九生還亦云
幸得喪竟何有秉燭語難竟洗塵出藏酒一酌頽欲眠明蟾炯
疏牖

昔年行役歸我兄病在牀喜聞弟遠還扶坐神傍惶慰詢猶歷

卷之二
名二
慙語溫心內傷情親機轉昧豈期入膏盲何意三旬中中道折
鴈行呼天百身贖有願不可償今還憶所慙孤姪如兄長未堪
任門戶差能奉烝嘗頗喜新婦賢晨昏慰高堂恐尔幼廢學負
此初日光憐尔少孤露督責未忍忙他年尔成立宿草悲已荒
嬉弄墮家聲潛德何由彰克荷匪易言立身慎周防作詩勉小
子痛淚煎中腸

開軒坐東窻清曉理散帙輟業走四方愧此閒暇日芸籤度高
架蠅蛸挂虛室掃除逖端居學程課疏密況逢夏景舒散髮謝
梳櫛永晝無闕門槐蔭滿衡華瓜沃鄭灼心牀穿管窬鄰墳史
究終始春秋佩華實讀詩解箋萃隸事欣數栗庶成一家言宵
徒兩邊驛名山彼何人卓犖工著述臨機斷經義成材有文質
豈如相州寇衰暮愧無術竇越誠吾師盛壯不可失

淨綠照裴几覆檐樹扶疏緬懷帶經者讀罷親荷鋤不耕愧家
食習此代菑畲得地始遂生日把種樹書移竹喜疎直如髮秋
就梳海棠爛宮錦顏色豔茅蘆鼠姑勝曼羅鞋紅一尺餘櫻桃
頗瑣碎飛英繡前除可憐紛滿眼庭掩春風虛借問花主人黃
塵約巾車飄茵墜籜溷辛勤竟何如迴旋歲華去日月不可居
明年學閉關留春伴吾廬

青山如故人小別勞夢想晨駕西郭門訪舊軫先枉林迴恍前
迎天際見眉額曾雲卷宿雨空翠落朝爽石磴夙所經登頓不
假杖入深嵐漸消運轉溪逾響平生招隱志知費屐幾緉憇帳
空春風飛夢墮塵埃此山有猿鶴責言在息壤勞薪亟思返抽
簪謝天罔誅茅果得地叢桂日應長

病中雜咏

病設維摩榻孤懷每自捫撥香通雨氣煎藥驗潮痕脈理從醫問方書借客論關心秋事好淡日不窺園

簾影清如水蕭然獨掩扉餅花閑自墮梁燕冷將歸睡醒頻欹枕朝晡屢換衣靜中移節序消息悟天機

秋影蕭齋滿時聞落葉聲漸涼蘇肺氣少睡健詩情已是疎茶盞長教卧酒鎗楞嚴任塵掩徒羨學無生

料量秋深淺清遊病未能廊虛時墮雀窓暖尙飛蠅獨坐看孤樹閒吟倚瘦藤何當北臺上萬里入憑陵

病起

病起睡恆短閑房曉更清夢輕魚裂枕人靜鳥窺楹札問勞親友苔綦斷送迎偶繙書帙坐愛傍小牕明

十二月十四日偕雪坡秋南溯川遊惠山晚歸過南禪寺

殘臘氣候暖朝陽
迓春暄晴光引遊興
汎艇西郭門溪迴背曾
雉橋來指前村
入山聞見靜始悟人世喧
言訪到公石同尋召
侯園苔逕斷綦跡
葉擁蒼雲根行厨羅食單
開窗坐東軒木落
露前山寒翠對酒尊
浮雲變慮流泉漱清言
忽聞鐘梵傳稍
覺林烟昏誰能逼歲宴
洒然醒吟魂緬思仲長統
終當卧邱樊
北陸羲御適頽景動歸
珎寒山暝逾佳回首不忍別
嵐光落船
尾圓蟾在城缺女牆迭蔽
虧櫂波動明滅紆途戀光景
枉渚拖
重振招提傍城闌叩關啓
局鏑入門松影清過院經
聲徹塔稜
喧歸雀亦似悲暮節感物念
身世使我肝肺熱懸知宗鏡
堂息
慮持片偈愧尔塵外人畢
生謝羈紲

贈汪小竹卽送其赴粵西

揚州汪郎年十四
早著白袍充貢士
萬言落筆不見收
翻使聲

名滿燕市別君日月如走電七載相思不相見去年聞擢明經

科此日重逢舍人

薛又

謫舍人文壇老斲輪關西戶部

楊蓉

今

邢溫彥和

劉簡

雕龍善持論每把君詩許絕倫蚌珠放出甕湖

月雛鳳喚起蓬山春年如終賈古可比才兼鮑謝今無人金臺

三月春草短渡江八月潮聲滿到家但任思光船懷人且覓高

陽伴興來訪我臨江皋殘荷十里風蕭騷飛雲倒漾漁浦濶秋

色遠映龍峯高古祠醺酒弔黃歇三千珠履非人豪不如絕頂

眺湖水雁霄萬里明纖毫放眼狂歌送落日盪胸噴雪翻洪濤

蒼梧連縣接湘渚望中渺尔浮輕舸輕舸明日催君去是我當

時舊行路赤嶽雲開棹影孤黃陵花落鵑聲暮竹枝歌罷九疑

深波面寒烟引輕素君家嚴君坐專城君到越庭聽五絢班春

獬戶獻柳漿稅秋搖女輸花布我昔年華略似君流年一別悲

虛度知君到日定相思驛樓見我題詩處

贈蕭亦喬

東風吹飛雪九龍蛻蒼鱗開門瞰天地二月無陽春忽聞打水聲短棹停湖濶欣逢故人至倒屣迎清塵乍見各驚認久別逾情親十年覲一面節概難具陳新詩如束筍歷歷蹤跡存雒誦代問答快如數晨昏招邀古權集把醖雙眉伸施雋雪帆才力雄手伏黃麒麟顧榮晴芬揆國華威鳳翳秋雲相逢千載士共結一代鄰君酒如詩才不可斗石論不醉復何苦惠泉況清醇君言中歲來多病疏酒尊良由抱詩癖鉢劇醫與肝物態摘翹肖道妙縷角根每當肆遠搜切近遺其身元氣日鑱削百靈索精魂七日混沌死安能保真淳重函高一尺殺青待施斤古今數作者見傳知幾人陳思愧敬禮桓譚重揚雲信知斯言達未敢定

子文當代有知已識曲誰聽真巖巖皖公城方伯古重臣待君
下懸榻凌晨開戟門君家壽春邑百戰留雄屯頗聞潢池中盜
弄波濤翻魚書下符契惶蹙驚鷹奔君行佐幕府買犢催耕耘
調律贊元化沍陰駁朝暉江皋美陽澤萬象回春溫

仲春喜蕭亦喬劉丹海至招同胡雪坡秦秋南顧晴芬侯
健六王溯川遊唐園薛園

步屨招要共討春盍簪千里得嘉賓山川似到藍田縣襴袖真
看白社人賦就郊居推沈約記來車蓋擬王筠誅茆好關臨江
宅結伴它年把釣綸

相邀園叟過鄰家萸片橫通略約斜近社客愁催燕子餘寒春
意在梅花沈寔難覓中山酒鄉里羞乘下澤車多謝上方鐘梵
地又煩仙子餉胡麻

晚望

麥隴浮新綠桃蹊宛舊紅山寒初歛雨雲濕不隨風在野安時
命當春驗化工物情知未息遠渚有征鴻

題魏松濤

攀龍

春耕饁餉圖

冀缺昔耨野婦饋如奉烝道逢白季薦一命爲晉卿伯鸞有隱
侶椎髻橫釵荆耦耕霸陵山食案齊眉擎通塞道固殊垂世同
典型夫君耕且讀釋耒時橫經早歲已通籍賢路蜚英聲百里
羈駿足小鮮試初烹遺德至今在名與西江清大吏下傳符役
夫如踐更腰笏自引纜失時慮殃氓餓隸闕燂虎焚索窮囊脰
車前五色棒立使權豪懲郵亭趣駕去稜厲孰敢撓豈知訟庭
下蒲鞭謝笞榜計簿上循績名姓注

御屏自書下下考官拙不中程忽然挂冠去夙向懷淵明東臯

夜雨過布種催倉庚公田有餘利春酒足秫杭煮葵餉力作風
味亦足矜同心得偕隱豈待縣上旌但憂起劉矩未許終躬耕

題毛漸逵刻印譜

周官司關掌璽節同文辭命汁象胥變分六體屬秦代模印屈
曲惟繆書自從隸楷習簡易雜體盡昧王融圖照水常愁看蝌
斗蝨簡豈解箋蟲魚臨淄銅和汲冢策有目不辨空睢盱毛生
漸逵癖嗜古識字真思過揚許袖中一寸昆吾力鐵穎如毫畫
花乳行閒倔強盤蛟螭腕下憑陵雜風雨直垂蝱尾摹玉筍細
蟠鬣髮嵌朱縷奇字時參祖癸金籀文徧索周宣鼓生年三十
不出門筆法何因到岫嶺頗疑夜夢探靈墟玉牒金繩授神禹
近來學作斗檢封便欲突過宣和譜宣和有印譜四卷我聞漢儀拜
鐃擇日成翻沙鎔範撥蠟清軍候部曲始急就刀鋒箭鏃紛縱橫

紐形不一各方寸無大殊絕差銖衡李唐趙宋變古法大小稍
減垂朱文齋居戶册及調語官私錯雜爵與名楊克王厚顏叔
姜競競搜輯下追吾行趙子爭題評龍虎龜紐惟所好車渠犀
角玳瑁晶煮石山農出新意割雲古洞收清瑩南都學博興入
市兩筐斲盡鐙光阮當時片石重瑚璉何陋梁秋斂手不敢爭
櫟下流傳印人傳派別一一區畦町邇來古歛汪水部飛鴻爪
雪光熒熒自夸藏弄一萬紐所恨瓦礫參連城前年邀我作詩
句身後散落如飛星近者何人稱籍甚排比安詳少剛勁毛生
毛生介何爲使刀如筆筆力正古人生面驚重開爵里詳嚴系
名姓千秋精爽如可呼虹光夜向猩紅迺我生好古百不追脫
手鑄鈐乞投贈捉刀倘許擬崔曹厠坐何妨陪馬鄭

題陸甫元

沉

同年登岱圖

我行岱宗麓五過大小東前年始紆策一謁曰觀峯遠眺滄海
日近挹天門松是時草木未生葉疑從太古窺鴻蒙秦皇漢武
久寂莫鼎龍去後無遺弓登高覽化感身世爲底下數南飛鴻
邇來有語不敢吐氣壓崒嶺橫心胸平原舍人過江彥阜歲謁
帝蓬萊宮要從絕頂見胸次鹿躡直上憑罡風祠壇老鶴曉飛
去吟詩句響摩璇穹作圖特與傳好事九點盡括煙溟濛知君
豈有向禽願行滕借取仙人筇時平正議封禪禮
翠華東幸迴六龍竹宮清晨祠太一第七車上從雍容袖中如
椽五色筆金繩玉檢追前蹤沒字碑高待君補一洗萬古薶苔
封

雨

薄暮雷聲殷空庭雨勢垂驟蒸花忽綻疎點竹先知水閣懸燈

早晴簷下溜遲已欣宵睡美況及插秧時

題王用康種樹開渠圖

昔聞管仲父樹木喻樹人計獲雖有殊旣植理則均謝家誇寶
樹庭階羅衆珍此何預人事愛護如蘭蓀君族過江秀羣從翔
鳳麟世澤記喬木百年按芳鄰種禾自得粟種棘豈乏薪蘭槐
漸之滄常恐移其根三復勸學篇勿愧蘭陵荀
勤學如濬渠九仞不厭深一朝逢其原方至無涯潏天光任游
泳雲影憑涵沈靜契濠濮想遠愜滄浪吟川上悟微歎清暉澹
盈襟澡水能潔身澡學乃沃心千載得脩綆百文資興斟豈如
絕潢港灌河藉秋霖無本一朝涸貽笑牛蹄涔

西村

落日西村路清溪一棹歸鵬馴時傍葉燕熟屢撞衣映樹鋪棋

局垂楊拂釣磯端居足幽事吾欲欸柴扉

雨夜過蘇州

雲暗胥臺樹扁舟捩柁過江喧秋雨濶客夢夜寒多未忘平生志難爲勞者歌孤燈照蕭瑟青鬢恐蹉跎

泊松江

海城霽晚角聲稀獨卸征帆傍曲碕潮落魚龍驕有氣秋高鴻雁倦還飛思吳羈宦尋張翰入洛才華弔陸機何事徒聞羊酪對計應尊膾未全非

澱湖

扁舟落澱湖夜色涵萬象汗漫迷所之沿流傍荻蒹船頭孤坐久露氣侵鶴氅秋高海雲捲月白寒潮廣頓忘行役憂清景愜心賞

山塘

烟霽山塘路停橈望欲迷過橋新月上側扇莫霞低珠箔龍涎
散箏船雁齒齊徒聞歌水調誰弔夜鳥啼

晚泊山塘

遙隄平蘸綠楊烟新月輕霞晚食前一水笙歌聲似沸不知中
有讀書船

新秋招魏松濤陳嘯岑

復初

家抱雲

瞻泰

遊惠山小飲吟

風閣松濤嘯岑有作賦答

一雁報新秋曉山青入樓擎舟尋夙約攜客作清遊路熟經行
慣巖深樂事幽古龕松牘蛻招隱桂潛蚪品水人旋查書堂蹟
尙留薜痕沾屨襪香氣潤衣襟蠚眼生徐鉞龍團泛越甌南烹
尋舊味中聖試新篇登閣衿全豁鉤簾暑乍收風流前輩在行

誼古人求遺澤留章貢談經化魯鄒夜從張范論才自紀羣羞
實學推君舉吾宗得仲謀匡時應有策從政早知優蠟展朝纔
洗詩簡昨已投洞心開窻窻入手重琳瑯才擅三蒼富腸因七
椀搜句清秋氣合思潤露香浮律偶詞嬾雅長篇力更邁西崑
傳學派東野笑詩囚已識楊劉在終慙籍湜儔呻吟逢屬疾廢
和滯行郵水落韓紋淨霜酣幄彩稠何當重載酒吟眺及新瘳

小飲

涼意落蕭巷平林曉未宜詩成新雁過秋到舊山青筇竹遊情
健締衣客思醒摘蔬供小飲寒蝶繞荒町

晴芬舊藏其從祖子方先生墨竹一卷歲久失去屬同人
作歌紀之

當代畫竹知幾人顧君後出獨軼倫但驚墨妙無古昔豈意筆

格傳先人君之從祖明邁民胸中槎枿森甲兵籜龍怒起寸
耳著紙便挾春雷聲有眼不識簾簾亭有手不乞鷗波靈要知
畫竹不是竹爲借此君鳴不平一竿雙餅未許易流傳賴有清
門孫我時見之必再拜雅義一挂謚勵存何期前夜風雨急破
窗忽作脩蛇奔錦贖玉匣厭凡浣定有精爽纏霜根一朝化去
豈豪效拚殉烈骨同灰塵君不見所翁蘭草挂空裏又不見羲
齋水仙排玉藥同將清節寫畸懷已荷

琅題入

天甌

先皇惠澤被九幽

恩詔搜揚許從祀君今侍從列清班一轡方當貢
天子投戈特赦魯陽愚封管休憐墨胎死

褒忠已荷降黃麻餘技何煩耀青史昔我曾過涇之陽悟秋遺
頌尋艸堂叢篁如束古屋圯碎綠野日寒荒荒袖挈遺詩背人
讀葉葉語颭飛雲涼淋浪血淚不敢灑便恐著處成斑黃語君
得喪何足道釵股丁頭莫輕掃青青但保歲寒心到眼秋風見
遺稿

題張械齋合浦還珠圖

南籠太守秋風客萬里歸來雙鬢雪酒闌欵話憶當年話到情
深淚沾臆當年剖竹蘭苴道蠻女竹枝歌懊惱羊偏筵前舞袖
圍淨婉腰支最嬌小攜來猶記望如仙消得初明十萬錢已似
朝雲隨玉局直教通德伴伶立識郎姓氏通情素張星曉傍銀
灣渡誰道秋河風浪生六州此錯真難鑄髭鬚自寫柏舟詩
函忽有鳩媒訴護花使者放春回鴛鴦牒下煩重注紺幪肩與

急昇還黃堂紅燭擁如山卷簾見客逡巡拜太史詩成手自刪
破鏡重圓悲昨夢簫聲吹出雙飛鳳記憐慘綠識黃裳似隔繡
帷呼小宋駛管催酣秋復春舞衫招蝶髻留雲無愁但解眉長
畫有恨何期手重分

詔行絕域一萬里荷戈去去誰能止望斷江邊一片雲眼穿淚
落連珠子盤江寫影最分明瀨女何妨拚一死夫君作吏比江
清雲開日轉須臾事玉門但有賜環年錦機且織迴文字從此
飄零賸一身同時邢尹各離羣倩桃泣露空留樹弱柳隨風已
作萍河南別駕夫君戚羣車北發沙隄直蓬鬢與成蘇幕遮愁
眉更作拋家飾柰室憂懷那可平可憐誰築女懷清石闕口銜
千萬恨車輪腸轉輓轡聲采桑不上銅駝陌黃鵠歌成情脈脈
古井波瀾誓不生耿耿此心孤月白守宮冰練常纏臂夜深解

向南枝繫青陵臺迴鵲烏猜黃塚骨香蟲蟬避馬角窮荒此日
歸清笳吹淚滿征衣篋中金縷裙何在化作秋風蛺蝶飛芙蓉
雙頰難重見但餘卷裏雀微面然脂自寫斷腸詩九原便當營
齋奠博山一氣紫霞煙寄語蓬萊莫作仙珍重草屨猶健在玉
簫可有再生緣

仙蜨謠爲陸祁生賦

楊花攪夢春雲熱碧落騰騰卷晴雪麻姑曉蹋華首臺東風吹
急僊裙裂愁蛾脫蛹銜春飛五銖金畫鮫絲衣謾堂絲管夜逾
脆藏雅樹暗班雕歸沈火博山燒百末帳裏吹笙香霧結迴身
弄影上甌甌惆悵一生花底活西園平綠蕩遠芳相思淺褪眉
間黃粉霞蜀錦剪雙綬纏頭一曲詩一章爲譜霓裳第三疊研
光小帽歌山香

海岳樓

白帽人何處高樓此尙存
避風棲海鳥蹴浪拜江豚
文藻無雙客招提不二門
平生懷古意軒豁見乾坤

自潤州渡江至揚州

京口曾聞出濁醪
篷窗一酌興偏豪
風生旗角千帆動
溜折江心一綫高
天塹長教圍鐵甕
地形終古盛錢刀
關前且避鹽艍過百戲橫陳樹羽翹

曉立湖上

殘月初沈接曙光
青荷漠漠暗吹香
橫波隔斷橋西路
濃綠如山壓曉涼

廢園

萬綠圍空榭披尋日幾回
先秋涼思集獨立客懷哀
鳥掠斜陽

去蟬驚驟雨來抽簪記孤躑題字破莓苔

七夕

瓜果纔收玉漏沈好風良夜正吹襟秋含初月雲華淨花隱雙
星院落深夜樹明姿偏照眼鍼樓暗約極關心情懷客裏無聊
甚自掩雲屏夢短衾

出郭

金風浪卷白蘋新一棹沿流獨問津出郭幾枝秋照水迴舟四
面月窺人歌邊自酒司勛淚年少曾傷洗馬神絲竹何能便陶
寫近來哀樂太頻仍

張文恪公壽芝五葉圖令孫慶廬鳳枝太守屬題

不是商山四皓貽齋房五色產靈奇分來紫極瑤光瑞贏得青
宮玉契詩三獨坐高欽祖德二千石重識孫枝披圖猶似螭頭

立想像清嚴鶴髮姿

解組還田狎白鷗
清明盛事出詒謀
卽看杖國推耆德
似爲懸車續舊遊
歸棹詩篇題漫叟
傳家恭謹儼恬侯
采香堂裏仙根在
煜煜騰光照九秋

晚別送者

酒盡莫江頭
楓凋兩岸秋
夜涼天墜水
人靜月隨舟
送者自匡返
客行何日休
乾坤莽蕭瑟
吾道付滄洲

山中田家

山徑寒愈好
石淨芒鞋宜
面圃稼初納
入門菊未衰
紅葉輟屏障
白雲補疎籬
近午吹飯香
人歸雞鳴時
父老二三輩
相見情融怡
開軒有尊酒
延坐無絳儀
僊樸轉斌媚
何妨拙言詞
義農覺未遠
淳風洵在茲
便擬抱黃犢
山巔結茆茨

泰雲堂詩集卷二

泰雲堂詩集卷三

金鎖 孫爾準 平叔

芸館集

館課桃笙二十韻

綬山綉柔枝東甌劇修箭佳名欣合併妙製推獨擅條纖擘雲
絲紋斜織霞片風漪展欲流霜節藏不見膩粉細吹香浮筠淺
含藕質淨鋪春煙波平卷秋練手滑訝霜溼眼纈驚旬線紗厨
罨方牀簾軸押深院敲詩凹枕欹彈碁隱囊倦未寢神已恬欲
近色先戰冷光宜曼膚涼氣醒酒面淊淊秋思生習習清颼扇
夢境尋花源囈句詠淇縣農興拋可惜午睡起還戀名自江東
貽賦紀吳都鍊薨弱古注傳蓮曲方言變龍文空裏延蛟豪枉
雕綉赤花非法物白蒲詎華選徒然珍異夸輸此卷舒便作詩

追韓門隸事愧徐掾

館課金蓮花

慮虎異藹茁青岑香氣濃分蒼筤林開近諸天先擁蓋布來初
地有遺金燦時應勝廣長舌鑄就真看清淨心一任六時浮漏
刻不隨波面發鯨音

佳名

賜出九重天寶焰移來火宅蓮優鉢一枝原偶現鑿坡雙炬好
同傳香臺恰稱花爲座玉井休誇瀉似船獨得五行中正色浪
憑金粟悟初禪

種得靈根古佛家一莖丈六現曇華檀香吹作曼陀雨蠟蒂攢
成般若花承露銅盤看小揭傾陽葵蓋擬低斜勝遊莫僅歸珠
苑好向金天頌裏誇

苦熱

斜陽赭高垣火雲晚尤悍
僦居苦湫隘終日恆袒跽
伏納代興入夜勢未坦
桃笙汗如瀋流體不可盥
無寐每十起誰云夏宵短
卷簾望明河正對蟾魄滿
那信金波寒欲敵火鏡煖
空庭蒸溽濕地氣亦憤懣
雲頭西南來羃空撒方繖
漠漠未四周庚庚已中斷
仁喜縣點急旋覺餘響緩
月光漏雲外晴雨兩不管
自從五月來京輔歎脩暝

九重廬民瘼

齋官駐雲罕

郊壇屢告虔燔瘞肆圭瓚
頗聞江南水禾耳生穠稗
佇見變陰陽南北均潦旱
鄉心偶卽遂乘漲約歸伴
一舸弄秋聲吟魂濯冰盃

夏日偕又洲玉章申蒼祁生雍度保緒竹素山茨家菊才
兄同遊尺五莊

枳籬幾尺隔塵寰濃綠參天湧似山花影糾紛落詩句鄉心蕭
瑟動江關荷嫌沼陋猶思闢竹礙風疏可待刪酒債尋常正須
有日斜霑醉未能還

送戩宜兄赴山海關

九街火繖光崢嶸千門亭午無車聲兄來別我向何處急裝欲
作盧龍行此行胡乃太刺促曷不少緩過三庚兄言行止豈在
我泛若桃梗隨流橫男兒三十不稱意便合投筆歸躬耕胡爲
索米久京國一囊恥與侏儒爭老親頭白缺供膳敢辭負米長
孤征望門投止似張儉歧路飄風悲子荆更憐祁生慣堅臥入
幙尙自羞逢迎盧龍去都近千里馬行不及十日程平安有書

賴爾報索居稍慰心縣旌兄才早歲已挺出五色賦就千人驚
是年我亦濫同舉頗聞嘖嘖誇弟兄豈知後來竟垂翅五上累
罷春官卿我今一官始絕繫無屋聊借僧廬清鮎魚上竿人所
笑古語浪說登蓬瀛賴兄來踐聽雨約倡和可作埧箴鳴詰朝
忽發不先告顧影已覺形惻惻饒言聊爲出壯語丈夫弧矢期
生平長城窟深滄海闊且看一釣連長鯨

潞河展茶仙外舅墓

溟絕羊曇一束芻西州門外卽山邱烏衣重訪堂何在白馬來
尋我獨愁宿草殯邊嗟寂莫問花卷裏賸風流青蠅只玷生前
璧死後曾看作弔不

偕劉袖海昆季過寶通寺

梵唄依然隔轍聞石幢高揭遠公墳鳴秋牕響初疑雨障日松

陰更勝雲題句窗邊尋蠶尾繙經階下有鴟羣忽看十五年前

蹟根觸羊欣白練裙

昔訪余漱亭於此今十五年矣

晚歸西直門作

緩轡歸程挂甲屯

離宮馳道接西門斜陽樹色連村綠似雨蟬聲萬葉喧
少鬲山光先照眼高粱河派舊無源新晴未覺炎蒸減不厭障泥上水痕

澄懷園過趙謙士

占得平泉舊

賜莊蓬萊一角水中央風從

宮樹陰中過露向池荷葉上香供奉文詞似蘇李侍郎才地壓班揚直廬清咏消良夜起看銀繩接建章

雨窗卽事

庚伏歸休已屆期庭槐喜見擢雲枝未嫌急雨催秋到但愛清涼與睡宜
紉扇乍拋香篆直簾鈎半上燭花欹任看積潦橫街巷不學香山借馬騎

寄顧晴芬

幽州地右恆早涼今年溽暑過炎方火雲入夜猶捧月誤驚朝日升
柁桑中庭露坐每達旦近榻撫席徒傍徨昨宵南風轉西脚吹夢忽落黔之陽
黔陽迢迢我舊厯故人後往增迴腸幾年京國等蛩螢出門此度胡悵悵

皇華銜

命導羈矢手挈玉尺裁雲囊句牖一唱動四海已看威鳳鳴梧岡人言才大地
苦僻多士未足供摻揚我知

聖主有深意要使文命敷蠻荒選才清祕掄第一斗筐入部占
文昌文翁化變邛笮習何武樂進中和章君才於古豈相讓斯
文況是職所當更憐才人古稀到僅傳太白流夜郎天留此覆
待君發翰林先後相頡頏仙人一謫亦憔悴敢與乘傳爭暉光
翹花犵鳥獻歌舞爭媚彩筆投吟囊好從荒蕨出光怪似剗礦
穴收銀黃昨見南人得鄉信盡室已上麻陽航偷兒私君發清
節朕餒那有珊瑚裝計程卸馱及此月腰魚親捧慈明觴人生
快意有如此絕勝畫錦夸還鄉紫薇堂前定相憶召公遺蹟垂
甘棠卻怪經時斷音問坐令僂耳同謗傷時有傳我今翔步君
舊地荀令已去留餘香相逢說君不去口同除況有鄒植行與
王珙秋風幾日吹潞水休沐得請浮歸艍子雲有札儻能寄天
邊遣雁方南翔

題家訥夫太守雪城轉饌圖太守時奉諱捧檄以行至丹
達山而歿

雪城無城不可薄古雪作垣冰作郭雪城有城不可登梯雲千
級冰千層西輪紆轡不敢嚮却來轉粟青天上柴毀羣驚太守
行急難臨歧肯辭讓冰高入夜光轉明氣慘當晝雲常昏飛笏
晝夜那敢息青騾踏鐵明馳奔玉柱堽空下深壑失足真成紇
干雀石脈凍折草不萌星火何從出鑽鑿僕夫斧冰持作糜層
冰墮指手不知可憐擁粟一百萬隨行健兒恆苦飢大軍已次
前藏後軍中口食資升斗尋常擊柱各論功却到艱危甘袖手
三軍挾纊聽撫循排空士氣蒸如雲愁陰萬古結不散却從一
語迴陽春丹達山高蔽鼉景南望何曾見鄉井長星一夜隕前
軍健兒雨泣當嚴警墨纈安用革褻尸公忠私孝兩無虧卞公

俠骨本不朽況有冰雪相護持勒銘幾日犁疆穴大帥全軍迴
玉節到此齊看血淚流一夜紅波化銀雪

題錢梅溪八分書後

邵陽酸棗法無存韓蔡癡肥那可論截得華山碑一段始知當
日有孫根

元元立石刻延熹隸定誰傳四代辭聞說鴻都門外路萬車代
寫蔡邕碑

初秋

簾色淒淒澹欲流新涼如水潤衣襟簾垂燈影初搖夜雨歇蟲
聲亂說秋北闕文書催令節西風刀尺動鄉愁殘星斷雁橫遙
塞長笛何人獨倚樓

送別顧雲文

誰能三策借前籌
新槌初爲捧檄遊
遠樹浮空泊水關
平沙飛雨薊門秋
相逢各有中年感
送別同添異地愁
君到明湖聽征雁
可憐都作稻梁謀

贈鄒禮耕

蛭自憐夔拙跳跟蛩
還負蟬動相將三間共
住東西廨百尺慙
分上下牀歸燕辭巢驚
逼社棲鳥選樹怯經霜
今宵料爾應相憶
風雨西窗漏正長

送韓樹屏

鼎晉

侍御還蜀

綠章奏裏譜笙詩
錫類親承

聖主慈枉後一冠
瞻豸采府中雙柏
感鳥私秋催驄馬
飛霜早
峽靜黃牛轉棹遲
翹首計君歸里日
白雲天半是峨眉

泰雲堂詩集卷三